

## TU'UTU'U I LE LOLOTO: Aso Lua Luni 13 2023

### FAATOMUAGA

Ua tatou I ai I le Kuata lona lua o le tausaga. Talitonu na lelei ma manuia le kuata muamua. Atonu sa maua se lagona fiafia, sa luitauina foi ma atonu o se taimi faigata foi mo I tatou. O nei mea uma, e mafai ona avea ma taimi tāua o le soifua ma le ola, tatou te agai atu ai I le loloto ma tatalo fa'atasi.

O se taimi e toe fotua'í ai o tatou olaga ma tatou mafaufau loloto ai I le silisili 'ese ma le malosi o le Atua.

Faitau le **Salamo 24:1-10**

**Salamo 24:4**, O lē ua i ai lima mamā, ma le loto mamā; o lē ua lē naunau lona loto i le mea fa'atauva'a, ma ua lē tautō faa'ole'ole." O lo o talanoa mai lenei mea e uiga ia i latou o ē mamā i a latou amioga uma e lua (lima) ma fa'amoemoega (loto). Ua uma ona fa'amautūina e Tavita, o le Atua e pule aoao I le lalolagi. Ua ia tautino mai o lo o pulea aoao e le Atua le lalolagi I se faavae mamā ma amiotonu. E popole ma manatu o ia I amioga mamā a tagata. E tāua le mamā o lima mo le ola tumamā lelei, ae o lo o talanoa mai lenei fuaitau i le mamā e sili atu nai lo o le fufuluina I le vai. Na fufulu e Ponitio Pilato ona lima I le vai, ae e le'I mama. E lē mafai ona mamā lima pe a fufuluina sei vagana ua feso'otai ma se loto mamā.

### TOE TOMANATU

Faitau le tatalo lenei mai i le 'Autau o le Faaolataga Tusipese, Pese 790:

**Ia iai se taimi e ola Fa'apaiaina ai  
Tusia e William Dunn Longstaff (1822-94)**

Ia iai se taimi e ola paia ai, ia tautalatala e uiga I le Atua; ia tumau ia te ia e lē aunoa, ma ia fafaga lou ola i lana upu. Ia fa'auō atu I fanau ale Atua, fesoasoani atu I ē ua vaivai; 'Aua nei fa'agaloina faamanuiaga ale Atua ia tatou saili iai.

Ua televave le lalolagi ae ia fa'aalu se taimi e ola Paia ai. Fa'aalu se taimi tele mo le lua mafutaga ma Iesu. Ia iloa tino Iesu Keriso, ma ola faapei o ia. Ia iloa atu e au uō amioga faapei o Iesu e tataua ona ola ai.

Fa'aalu se taimi e ola paia ai, ia avea o ia ma ou taiala. Ia mulimuli ia Iesu, tusa lava po o le a le mea e tupu; I le olioli po o le faanoanoa, mulimuli pea i lou Alii. Ma, o le vaavaai atu ia Iesu, o le faatuatua lea i ana afioga.

Fa'aalu se taimi e ola paia ai, ia to'a lou agaga; O manatu taitasi ma faamoemoega taitasi o lo o manatu ai o ia. Na taitaiina e lona Agaga punavai uma i le alofa. E le o toe mamao ae fa'amanuiaina oe i auaunaga ua ta'ua i luga.

**Fesili faatupu manatu:**

- E fa'apefea ona fa'aalu se taimi e ola faapaiaina ai?
- Ua e fa'atagaina le Atua e suia oe I le taimi tatau ua ia silafia?
- O le a se mea o taofia oe mai lou ola fa'apei o Iesu?

### FAATINOGA FA'ALEAGAGA

#### Pese faatino

O pese faatino e ta'atele i le Malō o Toga. E leai se tapula'a o tausaga o ē auai ai, ma e mafai ona auai tagata uma e fua lava i le ituaiga pese ma mea na tutupu. O le uluai faamoemoega o pese faatino, o le fa'afiafiaina lea o le Tupu po o le masifo i taimi o taumafataga po o tausamiga. O upu ma siva uma lava e uiga i mea ua ausia ma le lauiloa o le tupu.

Ina ua tūlaueleele le faa-Kerisiano i Toga na taliaina e le tupu o Siaoisi Tupou faapea le atunuu atoa, o pese ma tapuaiga ua faapena ona faia uma mo le Atua Silisili Ese.

O pese faatino e mafai ai ona tatou faailoa atu lo tatou alofa i le Atua e ala i upu ma siva, e aofia ai o tatou tagata atoa.

**Teuteronome 6:5**, O lo o fa'amanatu mai ia i tatou ia alolofa i le Atua ma o tatou tino atoa e ala I faatinoga, i le faamaoni ma le alofa.

E faapefea la ona feso'otai i tatou i le Atua i pese faatino? E feso'otai le pese I o tatou fa'alogona. O pese faamanatu o lo o iai le mana e fa'aosofia i tatou e sisiva. O upu e fa'aosofia ai o tatou loto i lagona ma manatu e faasino atu ai i tatou i le Atua. Tatou te tuuina atu le mamalu i le Atua e ala i o tatou tino atoa.

- O a ni auala e te faailoa atu ai lou tagata i le Atua?
- E mafai faapefea ona e fa'aagaina musika po o pese faatino e tapuai ai ma talisapaia ai le Atua i lou olaga?
- Pe ua e tāpena e te siva I luma o le Alii I le aso lenei?

### VAEGA E TATALO AI

- Tatalo mo le malō o Toga, tagata o le Palemene ma le Aīga Tupu a o latou fa'afueina lenei malō, ina ia mafai ona latou fesiligia le finagalo o le Atua i mea uma latou te faia.
- Tatalo mo Taitai uma o Ekalesia, aemaise lava i le Autau o le Faaolataga. Tatou te ole atu i le Atua e fa'aauau pea ona taitaiina ma talanoa atu I o tatou Taitai uma.
- Tatalo mo le Polokalame mo Ava Malosi ma Laau fa'asaina i Toga ma la tatou teritori—o lo'o aafia ai ma fa'aleagaina olaga o tagata.
- Tatalo mo tamaiti i le iai I aoga po o le fale foi. Tatalo mo i latou o e o loo aoga I le faaleagaga, ina ia latou ola atili ia Keriso.
- Tatalo mo le tuputupu a'e ma le atiina a'e o Aoga fa'ataitai i Toga.
- Tatalo mo le toe fafaguina o le ola fa'aleagaga o Kerisiano i le Pasefika. Ia tatou tulai mai ma ia fa'asaoina atunuu uma mo le Atua.

A o televave le lalolagi, ia tatou fa'aalu se taimi e Ola faapaiaina ai!